

سهم القضى
صاب الرضا
ضاق الرحب وية الفضى
غاب الولي راح النور و اتصوب ابچف البين

.

سم العدا صايب عزيز الزهره
و هذا الجبد منه انمرد و تفرى
شلون الدعي ابهذا الفعل يتجرى
غربة وطن
قاس المحن
ندبه اله في كل زمن
لجله الشريعة هاليوم تبجي المصابه و الدين

.

واجب عليه يا محب العتره
انواسي امامك بالدمع و الحسره
عزوا يشيعة بل المصاب الزهره
يم الحسن
جور الزمن
ضيم المآسي و المحن
هذا البلا و تعرفين فرقهم اعلى الصوبين

ننصب مآتمنا ابحزن ما ننسأه
و ذاك المنى يوم الذي نتلقأه
ما نفترق عنهم ابد لا و الله
بين النبي
و حيدر علي
بيه النوايب تنجلي
باب الشفاعة رجواي يا سيدي و ضي العين

ارض و سمه و كل الفلك ضل ينعاك
يا سيدي طول الدهر ما ننساك
و الغانمه يوم الحشر تحت الواك
يوم الحشر
وين المفر
يا سيدي انت الذخر
و نعاهدك يا مولاي ابمنهجاك متمسكين